



Samþykktir fyrir byggðasamlag um rekstur Félags- og skólapijónustu Snæfellinga

1. gr.

Sveitarstjórnir Grundarfjarðarbæjar, Helgafellssveitar, Snæfellsbæjar og Stykkishólmsbæjar samþykkja með vísan til VII. kafla sveitarstjórnarlaga nr. 45/1988 að starfrækja byggðasamlag um sameiginlegan rekstur félags- og skólapijónustu í sveitarfélögunum.

2. gr.

Byggðasamlagið heitir Félags- og skólapijónusta Snæfellinga, skammstafað **fssf**. Heimili þess og varnarþing er í Snæfellsbæ.

3. gr.

Tilgangur fssf er að sinna þeim verkefnum sem skylt er samkvæmt neðangreindum lögum ásamt breytingum sem á þeim kunna að verða og samkvæmt nánari ákvæðum samnings þessa.

1. *Lögum um félagsþjónustu sveitarfélaga nr. 40/1991.*
2. *Barnaverndarlög nr. 80/2002.*
3. *VII. og VIII. kafla laga um grunnskóla nr. 66/1995.*
4. *Lögum um leiksskóla 78/1994.*

4. gr.

Aðalfund skal halda einu sinni á ári, eigi síðar en í júní mánuði. Fer hann með æðsta vald í málefnum fssf. Rétt til setu á aðalfundi eiga allir kjörnir fulltrúar í sveitarstjórnnum aðildarsveitarfélaganna. Aðalfund skal stjórn fssf boða með tveggja vikna fyrirvara. Dagskrá fundarins skal fylgja fundarboði og ársreikning skal senda til sveitarfélaganna ekki síðar en viku fyrir fundinn. Aðalfundur er lögmetur sé hann löglega boðaður, bréflaga eða með rafrænu formi.

Á dagskrá aðalfundar skulu vera eftirtaldir liðir:

1. *Kosning fundarstjóra og fundarritara.*
2. *Skýrsla stjórnar.*
3. *Afgreiðsla reikninga.*
4. *Kosning stjórnar.*
5. *Önnur mál.*

Aukafundi skal halda ef einn stjórnarmaður eða þriðjungur þeirra sem rétt eiga til fundarsetu óskar þess og skulu þeir boðaðir með dagskrá með a.m.k. viku fyrirvara

5. gr.

Í stjórn fssf skulu sitja 3 fulltrúar tilnefndir af bæjarstjórnnum Grundarfjarðarbæjar, Snæfellsbæjar og Stykkishólmsbæjar. Jafnframt skal kjósa jafnmarga varamenn og fer með kjör þeirra eftir sömu reglum og um kjör aðalmanna.

Um boðun stjórnarfundu og fundarsköp gilda ákvæði sveitarstjórnarlaga nr. 45/1998 eftir því sem þau eiga við og fyrirmynd félagsmálaráðuneytisins að fundarsköpum sveitarstjórna. Sama er um réttindi og skyldur stjórnarmanna.

Stjórnin skiptir með sér verkum og kýs sér formann. Formaður stýrir fundum.

Fundargerðir má hvort heldur sem er færa í sérstaka gerðarbók eða beint í tölvu. Fundargerðir skal senda aðildarsveitarfélögum eða birta á aðgengilegan hátt á heimasíðu fssf eða sveitarfélaganna.

6. gr.

Hlutverk stjórnar fssf er m.a.:

- a. Að ráða forstöðumann og ákvarða ráðningarkjör hans, ákvarða starfsskipulag, setja erindisbréf og veita prófkúrumbod.
- b. Að ráða annað starfsfólk í samráði við forstöðumann.
- c. Að skera úr um ágreining sem upp kann að koma varðandi starfsemina og vísað er til stjórnar.
- d. Að hafa eftirlit með öllum rekstri fssf, sjá um að fylgt sé lögum og reglugerðum sem starfsemin heyrir undir og að gerðar séu áætlanir um rekstur samlagsins til skemmri og lengri tíma. Stjórnin skal gæta þess að næganlegt eftirlit sé með bókhaldi og fjármunameðferð og skal hún gera tillögur til eigenda um þau framtíðarmarkmið sem stefnt er að á hverjum tíma.
- e. Að koma fram fyrir hönd fssf gagnvart stjórnvöldum og öðrum aðilum.
- f. Að semja tillögur til aðalfundur um verkefni næsta árs, rekstraráætlun og fjárhagsáætlun.

Stjórninni er heimilt innan marka fjárhagsáætlunar, að ganga til samstarfs og samninga við aðila um einstök verkefni sem fssf kunna að vera falin.

7. gr.

Ein sameinuð félags-, barnaverndar- og skólaþjónustunefnd, Félagsmálanefnd Snæfellinga, skal sinna viðeigandi verkefnum á starfsvæðinu. Nefndin heyrir undir stjórn fssf og fer í umboði hennar með stjórn þeirra málaflokka sem undir hana heyrir.

Í nefndina skal kjósa fimm aðalfulltrúa; tveir frá Snæfellsbæ, tveir frá Stykkishólmsbæ og einn frá Grundarfjarðarbæ. Jafnframt skal kjósa jafnmarga varamenn og fer með kjör þeirra eftir sömu reglum og um kjör aðalmanna.

8. gr.

Byggðasamlagið skal annast rekstur fssf, er lögaðili við framkvæmd þjónustunnar og ber ábyrgð á öllum skyldum sveitarfélaganna gagnvart íbúum þeirra og starfsmönnum stofnunarinnar.

9. gr.

Öllum sameiginlegum kostnaði fssf skal jafnað niður á aðildarsveitarfélögin í réttu hlutfalli við íbúatölu þeirra eins og hún var 1. desember næstlíðandi ár. Sameiginlegur kostnaður er allur kostnaður vegna starfa stjórnar fssf, félagsmálanefndarinnar og reksturs fssf.

Kostnaði vegna einstakra úrræða greiðist af viðkomandi sveitarfélagi að höfðu samráði við viðeigandi starfsmann sveitarfélagsins.

10. gr.

Forstöðumaður gerir fjárhagsáætlun í samráði við stjórn fssf og félagsmálanefndina. Senda skal áætlunina sveitarstjórnnum til umfjöllunar fyrir 1. desember ár hvert. Hafi ekki borist athugasemdir við frumvarpið fyrir áramót skoðast það samþykkt af viðkomandi sveitarstjórn. Berist breytingatillögur eða athugasemdir við fjárhagsáætlunina skal stjórn fssf fjalla um þær og afgreiðir fjárhagsáætlun endanlega fyrir janúarlök. Ákvarðanir um allar stærri fjárfestingar skal þó taka á aðalfundi.

11. gr.

Gjöldum sveitarfélaga skal skipt í 10 mánaðargreiðslur með gjalddaga fyrsta hvers mánaðar frá og með febrúar til og með nóvember. Verði dráttur á greiðslum skal reikna dráttarvexti.

12. gr.

Reikningar fssf skulu endurskoðaðir af löggiltum endurskoðendum sem stjórn fssf ræður til starfans. Reikningarnir skulu endurskoðaðir í samræmi við 69. gr. sveitarstjórnarlaga.

13. gr.

Sveitarfélög þau sem aðild eiga að fssf bera einfalda ábyrgð á fjárskuldbindingum þess gagnvart kröfuhöfum. Innbyrðis skiptist ábyrgðin í hlutfalli við íbúafjölda þegar uppgjör fer fram.

14. gr.

fssf er heimilt að selja öðrum sveitarfélögum þjónustu skv. samþykktum þessum enda greiði viðkomandi sveitarfélag fyrir þá þjónustu.


15. gr.

Um endurskoðun á samþykktum þessum, úrgöngu úr byggðasamlaginu eða verði starfsemi þess hætt gilda ákvæði 83. til 86. gr. sveitarstjórnarlaga nr. 45/1998.

Snæfellsnesi 26. maí 2008.


f.h. Grundarfjarðarbæjar


f.h. Snæfellsbæjar


f.h. Helgafellssveitar


f.h. Stykkishólmsbæjar

**Oddviti
Helgafellssveitar**